

Skammtímaskuldir:

Viðskiptaskuldir	74 698 865	5 099 100	69 599 765
Hreint veltufé í árslok	47 169 782	21 365 428	25 804 354

Félagsmálaráðherra og formaður ráðgjafarnefndar Jöfnunarsjóðs sveitarfélaga staðfesta hér með ársreikning sjóðsins fyrir árið 1990.

Reykjavík, 26. september 1991

Jóhanna Sigurðardóttir.

Húnbogi Þorsteinsson.

Áritun endurskoðanda:

Ársreikning Jöfnunarsjóðs sveitarfélaga fyrir árið 1990 höfum við endurskoðað. Ársreikningurinn samanstendur af rekstrarreikningi, efnahagsreikningi, fjármagnsstreymi og skýringum nr. 1. - 12. Endurskoðað var í samræmi við góða endurskoðunarvenju og voru í því sambandi gerðar þær kannanir á bókhaldi sem við töldum nauðsynlegar.

Það er álit Ríkisendurskoðunar að reikningurinn gefi glögga mynd af afkomu sjóðsins og breytingum á fjárhagslegri skipan á árinu 1990 og efnahag í lok þess árs, í samræmi við lög og góða reikningsskilavenju.

Ríkisendurskoðun, 26. september 1991.

Halldór V. Sigurðsson.

Sigurður Þórðarson.

23. október 1991

Nr. 515

SAMÞYKKT
um hundahald í Hafnarfirði.

1. gr.

Hundahald í lögsagnarumdæmi Hafnarfjarðar sætir þeim takmörkunum sem kveðið er á um í samþykkt þessari.

2. gr.

Hundahald er bundið við leyfi bæjarstjórnar sem getur veitt lögráða einstaklingum, búsettum í bæjarfélaginu leyfi til hundahalds í lögsagnarumdæmi Hafnarfjarðar með eftirtöldum skilyrðum:

- Leyfi er bundið við nafn og heimilisfang eiganda hundsins. Með leyfinu fær leyfishafi afhenta merкта plötu, sem ávallt skal vera í ól um háls hundsins.
- Árlega skal bæjarsjóði greitt leyfisgjald fyrir þá hunda sem undanþága er veitt fyrir. Bæjarstjórn ákveður árlega upphæð gjaldsins í sérstakri gjaldskrá sem heilbrigðisráð-

herra staðfestir. Gjaldið skal renna til þess að standa straum af kostnaði við eftirlit með hundahaldi ásamt ábyrgðartryggingu samkvæmt tryggingaskilmálum. Upphæð gjaldsins skal miðuð við að bæjarsjóður beri ekki kostnað af hundahaldinu. Gjaldið skal greitt í fyrsta sinn við skráningu hundsins auk skráningargjalds og síðan fyrirfram árlega með gjalddaga 1. janúar. Sé leyfisgjald ekki greitt innan 2ja mánaða fellur leyfið úr gildi. Eigi er skylt að sækja um undanþágu fyrir hvolpa yngri en 3ja mánaða. Gerður skal samningur milli bæjarstjórnar og leyfishafa þar sem fram koma nánari reglur um réttindi og skyldur leyfishafa.

- c) Leyfi fyrir einstökum hundum skulu jafnan háð því, að þeir raski ekki ró íbúa bæjarins og séu hvorki þeim né öðrum, sem um bæinn fara, til óþæginda, með tilliti til hávaða, óþrifnaðar, eyðileggingar verðmæta eða slysahtættu. Hundaeftirlitsmaður getur krafist þess að eigandi hunds sæki hlýðninámskeið með hund sinn ef ástæða þykir til.
- d) Hundurinn skal aldrei ganga laus á almannafæri, heldur vera í taumi í fylgd með aðila, sem hefur fullt vald yfir honum. Á almannafæri er umsjónarmanni skylt að fjarlægja saur eftir hundinn á tryggilegan átt.
- e) Hundar skulu færðir til hreinsunar í október-nóvember ár hvert. Fylgja ber ákvæðum reglugerðar um varnir gegn sullaveiki við hreinsun þeirra. Framvísa skal vottorði um hreinsun við hundaeftirlitsmann fyrir 15. desember ár hvert. Vanræksla á að láta hreinsa hund eða skila hreinsunartorði leiðir til þess að leyfið fellur úr gildi.
- f) Eigi má hleypa hundum inn á leikvelli eða aðra þá staði, sem um ræðir í III, VIII, og X-XVII kafla heilbrigðisreglugerðar nr. 149/1990 en þeir eru:
 - 1. Vatnsból og verndarsvæði þeirra.
 - 2. Gististaðir, veitingastaðir og aðrir matsölustaðir.
 - 3. Matvöruverslanir eða húsakynni, þar sem framleidd eru eða seld matvæli.
 - 4. Skólar, kennslustaðir, barnaheimili, dagvistunarheimili og gæsluvellir.
 - 5. Rakarastofur, hárgreiðslustofur, hvers konar snyrtistofur og sólbaðstofur.
 - 6. Heilbrigðisstofnanir, hæli íþróttastöðvar og baðstaðir.
 - 7. Fangelsi og aðrar vistarverur handtekinna manna.
 - 8. Samkomuhús.
 - 9. Kirkjugarðar, bálstofur, líkhús og líkgeymslur.
 - 10. Almenningsfarartæki.
- g) Óheimilt er að fara með hunda í almenningagarða og friðlýst svæði í bænum, svo og önnur skilgreind svæði, samkvæmt ákvörðun bæjarráðs hverju sinni, enda verði þau merkt sérstaklega.
- h) Hundar úr öðrum lögsagnarumdæmum mega ekki án leyfis hundaeftirlits dvelja lengur en eina viku í Hafnarfirði enda sjái umsjónarmenn þeirra til þess að ákvæðum 2. gr. verði fylgt eins og við á.
- i) Bæjarstjórn getur ákveðið að veita ekki leyfi fyrir ákveðnum hundategundum, þyki henni ástæða til.

3. gr.

Umsókn um undanþágu til hundahalds skal send hundaeftirlitsmanni. Umsókn skal fylgja ljósmynd af viðkomandi hundi svo og greiðsla skráningargjalds og leyfisgjald. Ef sótt er um leyfi til að halda hund í fjölbýlishúsi, skal skriflegt samþykki allra íbúðareigenda í sama stigahúsi fylgja umsókninni.

Hundaeftirlitsmaður gefur út umbeðið leyfi að fengnu samþykki heilbrigðiseftirlits Hafnarfjarðar í umboði bæjarstjórnar.

Upplýsingar um hundinn skulu færðar í þar til ætlaða skrá. Skrá skal heiti, aldur, kyn, tegund, litarhátt og önnur einkenni hundsins. Þar skal einnig skrá nafn og heimilisfang leyfishafa.

4. gr.

Bæjarstjórn getur afturkallað allar veittar undanþágur fyrir hundahaldi telji hún þess þörf.

Uppfylli leyfishafi ekki skilyrði til undanþágu eða breytir gegn samþykkt þessari getur heilbrigðiseftirlitið afturkallað leyfi til hundahaldsins.

Skylt er þá umráðamanni hundsins að losa sig við hann eða hlíta því að öðrum kosti, að hundurinn verði fjarlægður og aflífaður á hans kostnað.

5. gr.

Hundaeftirlitsmaður skal vera starfandi í Hafnarfirði. Hann skal starfa í nánú samstarfi við heilbrigðisfulltrúa og gefa heilbrigðisnefnd árlega skýrslu um starf sitt. Verksvið hundaeftirlitsmanns ákvarðast nánar í reglum sem settar verða.

Hundaeftirlitsmanni ber að leita aðstoðar lögregluþingvalda, þegar þörf krefur.

6. gr.

Hunda, sem ganga lausir utanhúss, skal handsama og færa í sérstaka hundageymslu. Samgildir um óleyfilega hunda og hættulega hunda. Hættulegum hundum er heimilt að lóga þegar í stað ef nauðsyn krefur.

Kostnaður við töku og geymslu hunda skal að fullu greiddur af eigendum.

Hunda, sem ekki eru hættulegir, er heimilt að afhenda ef leyfi er framvísað enda verði áfallinn kostnaður greiddur. Að öðrum kosti skal hundinum lógað að 7 dögum liðnum frá því hann kom í vörslu eftirlitsmanns.

7. gr.

Haldi maður hund í Hafnarfirði í bága við ákvæði þessarar samþykktar skal hann sæta sektum eða varðhaldi séu sakir miklar.

8. gr.

Með mál sem rísa út af broti gegn samþykkt þessari skal farið að hætti opinberra mála, sbr. og lög nr. 81/1988, um hollustuhætti og heilbrigðiseftirlit.

9. gr.

Ofangreind samþykkt bæjarstjórnar Hafnarfjarðar staðfestist hér með skv. 22. gr. laga nr. 81/1988, um hollustuhætti og heilbrigðiseftirlit, og 1. gr. laga nr. 7/1953 um varnir gegn sullaveiki til þess að öðlast gildi þegar við birtingu. Jafnframt fellur úr gildi samþykkt um hundahald í Hafnarfirði nr. 575/1982.

Heilbrigðis- og tryggingamálaráðuneytið, 23. október 1991.

Sighvatur Björgvinsson.

Ingimar Sigurðsson.